

全唐詩目錄 第三函

第六冊

李白 十八卷至二十五卷

全唐詩

李白

訓談少府

一尉居倏忽。梅生有僊骨。三事或可羞。匈奴哂千秋。壯
心屈黃綬。浪跡寄滄洲。昨觀荆峴作。如從雲漢遊。老夫
當暮矣。蹀足懼驂騑。

訓字文少府見贈桃竹書筒

桃竹書筒綺繡文。良工巧妙稱絕羣。靈心圓映三江月。
彩質疊成五色雲。中藏寶訣峨眉去。千里提攜長憶君。

五月東魯行蒼汶上君

一作翁

五月梅始

一作子

黃蠶凋桑柘空。魯人重織作。機杼鳴簾櫳。

顧余不及仕。學劍來山東。舉鞭訪前途。獲笑汶上翁。下
愚忽壯士。未足論窮通。我以一箭書。能取聊城功。終然
不受賞。羞與時人同。西歸去直道。落日昏陰虹。此一作我去
爾勿言。甘心爲轉蓬。

早秋單父南樓酬竇公衡

白露見日滅。紅顏隨霜凋。別君若俯仰。春芳辭秋條。泰
山嵯峨夏雲在。疑是白波張東海。散爲飛雨川上來。遙
帷却卷清浮埃。知君獨坐青軒下。此時結念同所懷。一作
同樓者我閉南樓看道書。幽簾清寂在仙居。曾無好事來相
訪。賴爾高文一起予。

山中問答

問余何意一作事。栖碧山。笑而不荅。心自閑。桃花流水。窅然
去。別有天地。非人間。

荅友人贈烏紗帽

領得烏紗帽。全勝白接羅。山人不照鏡。稚子道相宜。

訓張司馬贈墨

上黨碧松煙。夷陵丹砂末。蘭麝凝珍墨。精光乃堪掇。黃
頭奴子雙鴉鬟。錦囊養之懷袖間。今日贈予蘭亭去。興
來灑筆會稽山。

荅湖州迦葉司馬問白是何人

青蓮居士謫仙人。酒肆藏名三十春。湖州司馬何須問。
金粟如來是後身。

蒼長安崔少府叔封遊終南翠微寺太宗皇帝

金沙泉見寄

河伯見海若。傲然誇秋水。小物昧遠圖。寧知通方士。多
君紫霄意。獨往蒼山裏。地古寒雲深。巖高長風起。初登
翠微嶺。復憇金沙泉。踐苔朝霜滑。弄波夕月圓。飲彼石
下流。結蘿宿溪煙。鼎湖夢涿水。龍駕空何茫。然早行子
午關。一作間。又作峰。却登山路遠。一作却歎山路遠。又作頗識關路遠。拂琴聽霜猿。滅燭乃
星飯。人煙無明同。一作異。鳥道絕。往返攀崖倒。青天
下。視白日。晚既過。一作遇。石門隱。還唱一作聞。石潭歌。涉雲
攀紫芳。一作彩。紫臺。濯纓想一作掬。清波。此人不可見。此地君自過。爲余謝
風泉。其如幽意何。

訓崔五郎中

朔雲橫高天。萬里起秋色。壯士心飛揚。落日空歎息。長
嘯出原野。凜然寒風生。幸遭聖明時。功業猶未成。奈何
懷良圖。鬱悵獨愁坐。一作空杖策尋英豪。立談乃知我。崔
公生民秀。緬邈青雲姿。制作參造化。託諷含神祇。海嶽
尙可傾。吐諾終不移。是時霜飈寒。逸興臨華池。起舞拂
長劍。四座皆揚眉。因得窮懽情。贈我以新詩。又結汗漫
期。九垓遠相待。舉身戀蓬壺。濯足弄滄海。從此凌倒景。
一去無時還。朝遊明光宮。暮入閭闔關。但得長把袂。何
必嵩丘山。

以詩代書荅元丹丘

青鳥

一作鳥

海上來。今朝發何處。口銜雲錦字。

一作書

與我忽飛

去。鳥去凌紫煙。書留綺窗前。開緘方

一作時

一笑。乃是故人

傳。故人深相勗。憶我勞心曲。離居在咸陽。三見秦草綠。

置書雙袂間。引領不暫閑。長望

一作歎

杳難見。浮雲橫遠山。

金門荅蘇秀才

君還石門日。朱火始改木。春草如有情。山中尚含綠。折芳愧遙憶。永路當自勗。遠見故人心。平生以此足。巨海納百川。麟閣多才賢。獻書入金闕。酌醴奉瓊筵。屢忝白雲唱。恭聞黃竹篇。恩光照掘溝。雲漢希騰遷。銘鼎倘云遂。扁舟方渺然。我留金門君。去卧丹壑末。果三山期遙。欣一丘樂。玄珠寄象罔。赤水非寥廓。願狎東海鷗。共

營西山藥。棲巖君寂滅。處世余龍蠖。良辰不同賞。永日
應閑居。鳥吟簷間樹。花落窗下書。綠溪見綠篠。隔岫窺
紅藻。採薇行笑歌。眷我情何已。月出石鏡間。松鳴風琴
裏。得心自虛妙。外物空頽靡。身世如兩忘。從君老煙水。
訓坊州王司馬與閻正字對雪見贈

遊子東南來。自宛適京國。飄然無心雲。倏忽復西北。訪
戴昔未偶。尋嵇此相得。愁顏發新懽。終宴敘前識。閻公
漢庭舊。沈鬱富才力。價重銅龍樓。聲高重門側。寧期此
相遇。華館陪遊息。積雪明遠峰。寒城鎖春色。主人蒼生
望。假我青雲翼。風水如見資。投竿佐皇極。
訓中都小吏攜斗酒雙魚於逆旅見贈

李太白十八
雙峰皆星

魯酒若琥珀

一作琥珀色

汶魚紫錦鱗。山東豪吏有俊氣，手攜

一作持

此物贈遠人。意氣相傾兩相顧，斗酒雙魚表情素。

有酒來我飲之，贈作別離處二句

雙鯉呀呷鱗鬣張，蹶刺銀盤欲飛去。呼兒拂

几霜刃揮紅肌，花落白雪霏爲君下筯一餐飽。

一作罷

醉著

金鞍上馬歸。

訓張卿夜宿南陵見贈

月出魯城東，明如天上雪。魯女驚莎雞，鳴機應秋節。當
君相思夜，火落金風高。河漢挂戶牖，欲濟無輕舠。我昔
辭林丘，雲龍忽相見。客星動太微，朝去洛陽殿。爾來得
茂彥，七葉仕漢餘。身爲下邳客，家有圯橋書。傳說未夢
時，終當起巖野。萬古騎辰星光輝，照天下。與君名未遇。

長策委蒿萊。寶力隱玉匣。鏽澀空莓苔。遂令世上愚。輕
我土與灰。一朝攀龍去。鼃鼃安在哉。故山定有酒。與爾
傾金壘。

訓岑勳見尋就元丹丘對酒相待以詩見招

黃鶴東南來。寄書寫心曲。倚松開其緘。憶我腸斷續。不
以千里遙。命駕來相招。中逢元丹丘。登嶺宴碧霄。對酒
忽思我。長嘯臨清飈。蹇予未相知。茫茫綠雲垂。俄然素
書及。解此長渴飢。策馬望山月。途窮造階墀。喜茲一會
面。若覩瓊樹枝。憶君我遠來。我懽方速至。開顏酌美酒。
樂極忽成醉。我情既不淺。君意方亦深。相知兩相得。一
顧輕千金。且向山客笑。與君論素心。

荅從弟幼成過西園見贈

一身自瀟灑。萬物何囂諠。拙薄謝明時。棲閑歸故園。二
季過舊壑。四鄰馳華軒。衣劍照松宇。賓徒光石門。山童
薦珍果。野老開芳樽。上陳樵漁事。下敘農圃言。昨來荷
花滿。今見蘭苕繁。一笑復一歌。不知夕景昏。醉罷同所
樂。此情難具論。

訓王補闕惠翼莊廟宋丞泚贈別

學道三千^{一作十}春。自言羲和人。軒蓋宛若夢。雲松長相親。
偶將二公合。復與三山鄰。喜結海上契。自爲天外賓。鸞
翮我先鏤。龍性君莫馴。朴散不尙古。時訛皆失真。勿踏
荒溪坡。竭來浩然津。蔚帶何辭楚。桃源堪避秦。世迫且

離別心在期隱淪。酬贈非炯誠。永言銘佩紳。

訓裴侍御對雨感時見贈

雨色秋來寒。風嚴清江爽。孤高繡衣人。瀟灑青霞賞。平生多感激。忠義非外獎。禍連積怨生。事及徂川往。楚邦有壯士。鄢郢翻掃蕩。申包哭秦庭。泣血將安仰。鞭屍辱已及。堂上羅宿莽。頗似今之人。蝨賊一作陷忠讜。渺然一水隔。何由稅歸鞅。日夕聽猿怨。懷賢盈夢想。

訓崔侍御

一本此下有成甫二字

嚴陵不從萬乘遊。歸臥空山釣碧流。自是客星辭帝座。元非太白醉揚州。

翫月金陵城西孫楚酒樓達曙歌吹日晚乘醉

著紫綺裘烏紗巾與酒客數人權歌秦淮往石
頭訪崔四侍御

昨翫西城月青天垂玉鉤朝沽金陵酒歌吹孫楚樓忽
憶繡衣人乘船往石頭草裏烏紗巾削被紫綺裘兩岸
拍手笑疑是王子猷酒客十數公崩騰醉中流謔浪權
海客喧呼傲陽侯半道逢吳姬卷簾出揶揄我憶君到
此不知狂與羞一月一作一見君三杯便同橈舍舟共連
袂行上南渡橋興發歌綠水秦客爲之搖雞鳴復相招
清宴逸雲霄贈我數百字字字凌風颭繫之衣裘上相
憶每長謠

江上答崔宣城

太華二芙蓉。明星玉女峰。尋仙下西嶽。陶令忽相逢。問
我將何事。湍波歷幾重。貂裘非季子。鶴氅似王恭。謬忝
燕臺召。而陪郭隗蹤。水流知入海。雲去或從龍。樹繞蘆
洲月。山鳴鵲鎖鐘。還期如可訪。台嶺蔭長松。

答族姪僧中孚贈玉泉仙人掌茶

并序

余聞荊州玉泉寺。近清溪諸山。山洞往往有乳窟。
窟中多玉泉。交流其中有白蝙蝠。大如鴉。按仙經。
蝙蝠一名仙鼠。千歲之後。體白如雪。棲則倒懸。蓋
飲乳水而長生也。其水邊處處有茗草。羅生枝葉。
如碧玉。唯玉泉真公常采而飲之。年八十餘歲。顏
色如桃李。而此茗清香滑熟。異於他者。所以能還

童振枯扶人壽也。余遊金陵，見宗僧中孚示余茶
數十片，拳然重疊，其狀如手，號爲仙人掌茶。蓋新
出乎玉泉之山，曠古未覲，因持之見遺，兼贈詩要
余荅之。遂有此作。彼之高僧大隱，知仙人掌茶發
乎中孚禪子及青蓮居士李白也。

常聞玉泉山，山洞多乳窟。仙鼠如白鴉，倒懸清溪月。茗
生此中石，玉泉流不歇。根柯灑芳津，採服潤肌骨。一作楚
老卷綠葉，枝枝相接連。曝成仙人掌，似拍洪崖肩。舉世
未見之，其名定誰傳。宗英乃禪伯，投贈有佳篇。清鏡燭
無鹽，顧慚西子妍。朝坐有餘興，長吟播諸天。

謝表侍御留岫師彈琴見寄

君同鮑明遠。邀彼休上人。鼓琴亂白雪。秋變江上春。瑤草綠未衰。攀翻寄情親。相思兩不見。流淚空盈巾。

張相公出鎮荊州尋除太子詹事余時流夜郎行至江夏與張公去千里公因太府丞王昔使車寄羅衣二事及五月五日貺余詩余答以此詩

張衡殊不樂。應有四愁詩。慙君錦繡段。贈我慰相思。鴻鵠復矯翼。鳳凰憶故池。榮樂一如此。商山老紫芝。

醉後荅丁十八以詩譏余搥碎黃鶴樓

此詩楊慎云是僞作

黃鶴高樓已搥碎。黃鶴仙人無所依。黃鶴上天訴玉帝。卻放黃鶴江南歸。神明太守再雕飾。新圖粉壁還芳菲。